



Nezavisna komisija za praćenje uslova boravka u zavodima, postupanje i poštivanje ljudskih prava lica nad kojima se izvršavaju krivične sankcije i druge mjere koje je izrekao u krivičnom postupku Sud Bosne i Hercegovine, strani sudovi za djela predviđena Krivičnim zakonom Bosne i Hercegovine ili međunarodnim ugovorom čija je potpisnica Bosna i Hercegovina ili drugi sud sa zakonom Bosne i Hercegovine

Број/Број: 06/7-50-13-107-12-3/11
Сарајево/Sarajevo, 08.09.2011.

ZAPISNIK

12. sjednice Nezavisne komisije za praćenje uslova boravka u zavodima, postupanje i poštivanje ljudskih prava lica nad kojima se izvršavaju krivične sankcije i druge mjere koje je izrekao u krivičnom postupku Sud Bosne i Hercegovine, strani sudovi za djela predviđena Krivičnim zakonom Bosne i Hercegovine ili međunarodnim ugovorom čija je potpisnica Bosna i Hercegovina, ili drugi sud u skladu sa zakonom Bosne i Hercegovine (u daljnjem tekstu: Nezavisna komisija), održane 1.9. i 8.9.2011.

Sjednica je počela u 10 sati.

PRISUTNI ČLANOVI NEZAVISNE KOMISIJE: Mile Lasić, Semiha Borovac, Milana Škipina, Damir Čačković i Predrag Crnogorac.

OSTALI PRISUTNI: Predstavnik OSCE-a u BiH Vildana Bakšić i privremeni sekretar Nezavisne komisije Eldina Smailagić.

Sjednicu je otvorio i njome predsjedavao predsjednik Nezavisne komisije Mile Lasić.

Za sjednicu je predložen sljedeći

DNEVNI RED

1. Usvajanje Zapisnika 11. sjednice Nezavisne komisije;
2. Usvajanje Zapisnika o posjeti Pritvorskoj jedinici na državnom nivou;
3. Usvajanje Izvještaja o posjeti Pritvorskoj jedinici na državnom nivou;
4. Razmatranje predstavke osuđenih lica pred Sudom BiH na izdržavanju kazne u KPZ-u Foča (Željko Mejakić i drugi osuđenici);
5. Tekuća pitanja;
 - Utvrđivanje Radnog naloga za narednu posjetu nekom od KPZ-a
 - Razmatranje dopisa CPT-a, od 19.8.2011.godine

Dnevni red usvojen je jednoglasno, bez dodatnih prijedloga i sugestija.

Prije pelaska na raspravu o pojedinačnim tačkama usvojenog dnevnog reda za riječ se javila prva zamjenica predsjednika Nezavisne komisije Semiha Borovac koja je istakla da ima pripremljen prijevod dopisa CPT-a, od 19.8.2011., te njegov sadržaj prezentira članovima Nezavisne komisije.

U dopisu CPT-a, od 19.8.2011., navodi se da je posjeta CPT-a BiH u aprilu ove godine znatno ranije najavljena i da su bili upoznati s postojanjem Nezavisne komisije, obavezno bi stupili u kontakt, te se nadaju saradnji s Nezavisnom komisijom u budućnosti.

Izveštaj o posjeti CPT-a BiH ne mogu dostaviti dok ne bude javno objavljen. Dopis CPT-a od 19.8.2011. dostavljen je Mary-Ann Hennessey, Ured Vijeća Evrope u Sarajevu.

Dalje, prva zamjenica predsjednika Nezavisne komisije Semiha Borovac istakla je da Ministarstvo za ljudska prava i izbjeglice BiH u saradnji s Ministarstvom pravde BiH provodi aktivnosti na uspostavi Nacionalnog preventivnog mehanizma u BiH, ali da Nezavisna komisija nije uključena u te aktivnosti.

Predsjednik Nezavisne komisije Mile Lasić podsjetio je članove Nezavisne komisije da je Ministarstvo pravde BiH u pisanom materijalu pod nazivom „Razvoj NPM u BiH u okviru Opcionog protokola uz Konvenciju protiv torture (OPCAT)“ konstatiralo da nadgledanje i praćenje funkcioniranja zatvorskih institucija sada obavlja devet tijela u BiH, te da postoji dilema kome povjeriti funkciju NPM: Nezavisnoj komisiji i Instituciji ombudsmena za ljudska prava BiH (zajedno), Instituciji ombudsmena za ljudska prava BiH, Posebnom uredu pri Ministarstvu za ljudska prava i izbjeglice BiH ili formirati potpuno novo nezavisno tijelo.

Zatim su članovi Nezavisne komisije prešli na raspravu o pojedinim tačkama dnevnog reda.

Ad.1. Usvajanje Zapisnika 11. sjednice Nezavisne komisije

Zapisnik 11. sjednice Nezavisne komisije usvojen je jednoglasno.

Ad.2. Usvajanje Zapisnika o posjeti Pritvorskoj jedinici na državnom nivou

Prijedlog zapisnika o posjeti Pritvorskoj jedinici na državnom nivou pripremio je član Nezavisne komisije Damir Čačković.

Nakon detaljnog razmatranja pripremljenog prijedloga zapisnika, Nezavisna komisija jednoglasno je usvojila Zapisnik o posjeti Pritvorskoj jedinici na državnom nivou od 14.7.2011.

Zatim su članovi Nezavisne komisije prešli na raspravu o 4. tački dnevnog reda, jer je u vezi s tačkom 3. Usvajanje Izveštaja o posjeti Pritvorskoj jedinici na državnom nivou potrebno dodatno usaglašavanje prijedloga navedenog izvještaja sa usvojenim Zapisnikom o posjeti Pritvorskoj jedinici na državnom nivou.

Ad.3. Razmatranje predstavke osuđenih lica pred Sudom BiH na izdržavanju kazne u KPZ-u Foča (Željko Mejakić i drugi osuđenici)

U vezi s ovom tačkom dnevnog reda, predsjednik Nezavisne komisije Mile Lasić konstatirao je da je, 18.8.2011., zaprimljena predstavka osuđenih lica pred Sudom BiH na izdržavanju kazne u KPZ-u Foča (Željko Mejakić i drugi osuđenici).

Nakon kraćeg razmatranja navedene predstavke, Nezavisna komisija jednoglasno je donijela sljedeći

ZAKLJUČAK

Zajedničkoj komisiji za administrativne poslove Parlamentarne skupštine BiH i Kolegiju Sekretarijata Parlamentarne skupštine BiH uputiti dopis kojim će se tražiti finansijska

podrška za realizaciju posjete Nezavisne komisije KPZ-u Foča kao i za realizaciju još nekih planiranih posjeta KPZ-ima u BiH do kraja tekuće godine.

Posjetu KPZ-u Foča obavilo je svih pet članova Nezavisne komisije, i to 22. i 23.9.2011.

Nakon prethodnih konsultacija sa ostalim članovima, predsjednik Nezavisne komisije Mile Lasić zaključio je sjednicu u 16,30 sati te zakazao njen nastavak 8.9.2011., s početkom u 9,30 sati.

Dana 8.9.2011. s početkom u 9,30 sati održan je nastavak 12. sjednice Nezavisne komisije.

PRISUTNI ČLANOVI NEZAVISNE KOMISIJE: Mile Lasić, Milana Škipina, Damir Čačković i Predrag Crnogorac.

Prva zamjenica predsjednika Nezavisne komisije Semiha Borovac bila je opravdano odsutna.

OSTALI PRISUTNI: Privremeni sekretar Nezavisne komisije Eldina Smailagić.

Sjednicu je otvorio i njome predsjedavao predsjednik Nezavisne komisije Mile Lasić.

Predsjednik Nezavisne komisije Mile Lasić predložio je prisutnim članovima da odmah krenu s radom po preostale dvije tačke usvojenog dnevnog reda za 12. sjednicu Nezavisne komisije, i to tačke :

3. Usvajanje Izvještaja o posjeti Pritvorskoj jedinici na državnom nivou;

5. Tekuća pitanja;

- Utvrđivanje Radnog naloga za narednu posjetu nekom od KPZ-a

- Razmatranje dopisa CPT-a od 19.8.2011.

Ad.4. Usvajanje Izvještaja o posjeti Pritvorskoj jedinici na državnom nivou

Prijedlog izvještaja o posjeti Pritvorskoj jedinici na državnom nivou pripremio je član Nezavisne komisije Damir Čačković.

Nakon detaljnog razmatranja pripremljenog prijedloga izvještaja, Nezavisna komisija jednoglasno je usvojila Izvještaj o posjeti Pritvorskoj jedinici na državnom nivou.

Ad.5. Tekuća pitanja

U okviru ove tačke dnevnog reda članovi Nezavisne komisije usvojili su Prijedlog radnog naloga za posjetu KPZ-u Istočno Sarajevo (Kula), koja je planirana i najavljena za 8.9.2011., poslije 11 sati.

U vezi s dopisom CPT-a od 19.8.2011., Nezavisna komisija dopis je primila k znanju te jednoglasno donijela sljedeći

ZAKLJUČAK

Mary-Ann Hennessey, Ured Vijeća Evrope u Sarajevu, uputiti dopis u kojem je potrebno navesti da se Nezavisna komisija nada aktivnijoj saradnji s Uredom Vijeća Evrope u Sarajevu u budućnosti te da očekuje dostavu izvještaja o poslednjoj posjeti CPT-a BiH (april 2011.).

U okviru ove tačke dnevnog reda, Nezavisna komisija jednoglasno je donijela sljedeći

ZAKLJUČAK

Zadužuje se predsjednik Nezavisne komisije Mile Lasić da ugovori sastanak s ministrom pravde i pomoćnikom ministra.

Za temu sastanka predložiti zajedničke aktivnosti potrebne za izmjene ZIKS-a kao i rješavanje pitanja operativnog rada na terenu Nezavisne komisije.

Nezavisna komisija jednoglasno je donijela i sljedeći

ZAKLJUČAK

USAID - Projekat jačanja parlamenata u BiH, n/r direktora Christian Haupta uputiti dopis kojim se izražava zahvalnost za pruženu finasijsku podršku u štampanju promotivnog letka Nezavisne komisije.

Predsjednik Nezavisne komisije Mile Lasić zaključio je sjednicu u 11, 30 sati.

PRIVREMENI SEKRETAR

NEZAVISNE KOMISIJE

Eldina Smailagić

PREDSJEDNIK

NEZAVISNE KOMISIJE

dr. sc. Mile Lasić